



UPA 2015/43
17. april 2015
Ane Hansen

Inatsisartut aamma Inatsisartut allaffeqarfiani aningaasartuutit tamanit takuneqarsinnaangornissaat kiisalu kialluunniit paasiniaasinnaangornissaa anguniarlugu Inatsisartut Suleriaasiata allangortinnissaanut Inatsisartut Siulittaasoqarfia saqqummiusseqqullugu peqquneqarnissaanik Inatsisartut aalajangiiffigisassaattut siunnersuut.

(Inatsisartunut ilaasortaq Randi Vestergaard Evaldsen, Demokraatit)

Inaatsisartuni ilaasortaq Randi Vestergaard Evaldsen, Demokraatit siunnersuuteqarpoq Inatsisartut siulittaasoqarfiat peqquneqassasoq Inatsisartut suleriaasiata allanguutissaanik suliaqassasoq, inatsisartut allattoqarfiata aningaasatuutit tamarmik takuneqarsinnaalernissaamik siunertaqartumik.

Manna tikillugu periusaavoq inatsisartut suleriasannut tungasumik allangortitsineraanni ippigisaqaraanniluunnit allanguutissamik siunertalimmik Inatsisartut Siulittaasoqarfianut Suleriaatsimulluunniit Ataatsimiititaliamut saffiginnissuteqartarpoq. Tamannalu manna tikillugu ajornartorsiuteqarfiungitsumik ingerlanneqartarpoq ilisimavarput.

Demokratillu peqqutissaqalersimassapput ima ittumik maani inimi siunnersuuteqarnissaminnut. Taamammat siunnersuuteqartoq qinnuvigerusuppara siunnersuuteqarnerminnut tungavilersuutit itisililaaqqullugit ajornartorsiutit isigineqalersimasoq paasinarnarulaalerniassammat, siulittaasoqarfiup aqutsineranut tatiginnikkunnarnermik pissuteqarnersoq imaluunnit allamik ippinnarluinnartumik pissuteqarnersoq tusarsimangisatsinnillu pisoqarsimassanersoq paaserusunnarmat.

Manna tikillugu Inatsisartut sulinerannut aningaasaliissutaasartut qanorlu atorneqarnerat ukiumortumik Inatsisartut nalunaarutaanni ersarissumik nalunaarusiorneqartarput, tamannalu manna tikillugu ajornartorsiutissarsiffigisimangilarput.

Taamaakkaluartoq sunarpiaq ajornartorsiutaanersoq paasilluarumallugu siunnersuutip aappasaanernejartinnani Inatsisartut Suleriaatsimut Ataatsimiisitaliani nalilersuiffigineqassasoq inassutigarput.